

At Ysgol Arloesi

26 Hydref 2016

Annwyl Gyfaill

Adolygiad o'r Cwricwlwm a'r Trefniadau Asesu yng Nghymru: Gweithredu

Mae'r Pwyllgor Plant, Pobl Ifanc ac Addysg yn craffu ar y gwaith o weithredu Adolygiad yr Athro Graham Donaldson, sef *Dyfodol Llwyddiannus: Adolygiad Annibynnol o'r Cwricwlwm a'r Trefniadau Asesu yng Nghymru*.

Yn y cynllun gweithredu, '*Cwricwlwm i Gymru - cwricwlwm am oes*' nodwyd mai'r nod oedd i'r cwricwlwm newydd fod ar gael erbyn 2018 ac iddo gael ei gyflwyno'n llawn yn 2021. Drwy gydol y broses o ddatblygu'r cwricwlwm newydd bydd y Pwyllgor, felly, yn monitro hynt y gwaith yn rheolaidd.


Ar hyn o bryd, mae'r Pwyllgor yn awyddus i glywed gan Ysgolion Arloesi i'w helpu i graffu ar y modd y mae Llywodraeth Cymru yn rhoi argymhellion yr adolygiad ar waith. Byddai'r Pwyllgor yn hoffi clywed am y canlynol yn benodol:

- Y profiad o fod yn aelod o rwydwaith o Ysgolion Arloesi sy'n helpu i ddatblygu'r cwricwlwm newydd;
- Manylion unrhyw waith cwricwlwm y mae'r Ysgolion Arloesi wedi bod ynghlwm ag ef ac unrhyw wybodaeth berthnasol yr hoffent ei dwyn i sylw'r Pwyllgor;
- Sylwadau ar y modd y mae'r gwaith o gynllunio a datblygu'r cwricwlwm newydd yn mynd rhagddo ac unrhyw sylwadau eraill ar y modd y mae Llywodraeth Cymru yn rhoi argymhellion yr Athro Donaldson ar waith.



Bydd y Pwyllgor hefyd yn cymryd tystiolaeth lafar gan nifer o randdeiliaid allweddol, gan gynnwys yr Athro Donaldson. I'n helpu gyda'r gwaith hwn, byddwn yn ddiolchgar pe baech yn anfon eich ymatebion i'r pwyntiau uchod erbyn 11 Tachwedd 2016.

Yn gywir,



Lynne Neagle AC / AM
Cadeirydd / Chair

